

सुपनां मे दिख्यो

(निरखुं शोभा सांवरा, पलकां लेऊं बसाय,
जब चाहुं दरशण करुं, राखुं खूब सजाय।)

सुपनां में दिख्यो रे म्हारो, श्यामधर्णी दातार,
हाथ फेर के सर पे बोल्यो, बाबो लखदातार,
बावला क्यूं घबरावै रे,
संकट का बादल दुनियां में आवै जावै रे,
नैण क्यूं नीर बहावै रे,
तेरे साथ मैं खड्यो बावला क्यूं घबरावै रे॥

मोरछड़ी हाथां में सौणों, बागो घेर घुमेर,
हंस के गलै लगायो बाबो, जाणै कितणी देर,
मेरो हिवड़ो हरषावै रे,
केसर की बा महक आज भी जियो लुभावै रे,
बात भूली नहीं जावै रे,
तेरे साथ मैं खड्यो बावला क्यूं घबरावै रे॥

बागीचै फुलवारी, जैयां हिवड़ो खिल गयो रे,
रोम रोम सें मिली बधाई, ठाकुर मिल गयो रे,
जनम यो मिलतो जावै रे,
बात नहीं छोटी बाबो, सपनां में आवै रे,
रोवतां धीर बंधावै रे,
तेरे साथ मैं खड्यो बावला क्यूं घबरावै रे॥

चरण धोय के सांवरिया, चरणांमत पिऊं रे,
"लहरी" चाकर बणकै तेरो, हर घड़ी जीऊं रे,
मोर मन झूम्यो जावै रे,
देख देख तनै श्याम सुरीली, तान लगावै रे,
चैन की नींदा आवै रे,
तेरे साथ मैं खड्यो बावला क्यूं घबरावै रे॥

सुपनां में दिख्यो रे म्हारो, श्यामधर्णी दातार,
हाथ फेर के सर पे बोल्यो, बाबो लखदातार,
बावला क्यूं घबरावै रे,
संकट का बादल दुनियां में आवै जावै रे,
नैण क्यूं नीर बहावै रे,
तेरे साथ मैं खड्यो बावला क्यूं घबरावै रे॥

अपने Android मोबाइल पर [BhajanGanga](#) App डाउनलोड करें और भजनों का आनंद ले |